



Broj: UP-I-KSI-09-23/23
Datum: 23.08.2023. godine

Na osnovu člana 25. i 33. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti u postupku utvrđivanja povrede odredaba Zakona o sprečavanju sukoba interesa u institucijama Brčko distrikta BiH, od strane nosioca javne funkcije S.N. iz Brčkog, Ul. [REDACTED] br. [REDACTED] Brčko, koja je do dana 02.04.2022. godine obavljala javnu funkciju zamjenika direktora za ekonomske, pravne i opšte poslove JP "Luka Brčko" d.o.o. Brčko distrikt BiH, na 63. sjednici održanoj dana 23.08.2023. godine, donosi

ZAKLJUČAK

Obustavlja se postupak protiv S.N. iz Brčkog, Ul. [REDACTED] br. [REDACTED] Brčko, koja je do dana 02.04.2022. godine obavljala javnu funkciju zamjenika direktora za ekonomske, pravne i opšte poslove JP "Luka Brčko" d.o.o. Brčko distrikt BiH funkcije, pokrenut Zaključkom, broj: UP-I-KSI-09-23/23 od 09.06.2023 godine, radi sumnje na povredu člana 13. Zakona sprečavanju sukoba interesa u institucijama Brčko distrikta Bosne i Hercegovine, koja bi proizilazila iz okolnosti da u vrijeme obavljanja javne funkcije tokom 2021 i 2022. godine obavlja i dužnost lica ovlaštenog za zastupanje u fondaciji i udruženju „[REDACTED]“, osnovanom u skladu sa Zakonom o udruženjima i fondacijama, a koje se finansira iz Budžeta Brčko distrikta BiH, u iznosu većem od 10.000,00 KM na godišnjem nivou.

Образложење

Dana 09.06.2023. godine Komisija za odlučivanje o sukobu interesa po službenoj dužnosti Zaključkom, broj: UP-I-KSI-09-23/23, pokrenula je postupak protiv nosioca javne funkcije S.N. iz Brčkog, [REDACTED] br. [REDACTED] Brčko, koja je do dana do dana 02.04.2022. godine obavljala javnu funkciju zamjenika direktora za ekonomske, pravne i opšte poslove JP "Luka Brčko" d.o.o. Brčko distrikt BiH, zbog sumnje na povredu člana 13. Zakona o sprečavanju sukoba interesa u institucijama Brčko distrikta Bosne i Hercegovine, koja bi proizilazila iz okolnosti da u vrijeme obavljanja javne funkcije tokom 2021 i 2022. godine obavlja i dužnost lica ovlaštenog za zastupanje u fondaciji i udruženju „[REDACTED]“, osnovanom u skladu sa Zakonom o udruženjima i fondacijama, a koje se finansira iz Budžeta Brčko distrikta BiH, u iznosu većem od 10.000,00 KM na godišnjem nivou.

Nosilac javne funkcije je istim Zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana dostavljanja Zaključka.

Dana 23.06.2023. godine, u zakonskom roku, Komisiji je dostavljeno izjašnjenje na Zaključak Komisije o pokretanju postupka, broj: UP-I-KSI-09-23/23 od 07.06.2023. godine, u kojem nosilac javne funkcije navodi da je Direkcija za finansije dostavila pogrešne podatke o finansiranju „[REDACTED]“, te da se nikada nije navedeno udruženje finansiralo iz Budžeta Brčko distrikta BiH, te da u vezi sa tim, Komisija dodatno provjeri navedene podatke u zaključku.

S.N. je obavljala javnu funkciju zamjenika direktora za ekonomske, pravne i opšte poslove JP "Luka Brčko" d.o.o. Brčko distrikt BiH, na osnovu odluke, broj: [REDACTED] od [REDACTED]. godine, sve do 02.04.2022. godine, kada je na osnovu rješenja o prestanku radnog odnosa, broj: [REDACTED] od [REDACTED] godine, istekao mandat. Shodno članu 2. Zakona o sprečavanju sukoba interesa u institucijama Brčko distrikta BiH kao nosilac javne funkcije bila je upisana u Registar javnih funkcija i nosilaca javne funkcije.

Članom 23. stav (4) Zakona propisano je da Komisija za svaki podneseni Izvještaj o imovinskom stanju provodi redovnu provjeru. Redovna provjera predstavlja provjeru tačnosti i potpunosti podataka iz Izvještaja o imovinskom stanju upoređivanjem podataka s podacima o imovinskom stanju nosioca javne funkcije prikupljenim od organa, institucija i pravnih lica u zemlji i inostranstvu koji raspolažu informacijama, odnosno organa, institucija i pravnih lica koja vode evidencije o podacima.

Naime, prilikom redovne provjere tačnosti i potpunosti podataka iz Izvještaja o imovinskom stanju, na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, uočeno je da je S.N. u vrijeme obavljanja javne funkcije u toku 2021 i 2022. godine obavljala i poslove lica ovlaštenog za zastupanje, predsjednika predsjedništva u udruženju „[REDACTED]“ osnovanom u skladu sa Zakonom o udruženjima i fondacijama, na osnovu Izvoda iz sudskog registra Osnovnog suda Brčko distrikta BiH, broj: [REDACTED] od 08.11.2022. godine, utvrđeno je da je S.N. predsjednik udruženja, odnosno lice ovlašteno za zastupanje u udruženju „[REDACTED]“ sa sjedištem u Brčkom, Ul. [REDACTED] br. [REDACTED], Brčko distrikt BiH, te da se ovo udruženje finansira iz Budžeta Brčko distrikta BiH u iznosu većem od 10.000,00 KM na godišnjem nivou, odnosno za 2021. i 2022. godinu, a shodno dopisu Direkcije za finansije Brčko distrikta BiH, broj: 13.9-04.2-01509/22 od 23.01.2023. godine i broj: [REDACTED] od 19.05.2023. godine.

Shodno ovim saznanjima, Komisija je Zaključkom, broj: UP-I-KSI-09-23/23 od 07.06.2023. godine pokrenula postupak po službenoj dužnosti u skladu sa članom 32. ovog Zakona, protiv nosioca javne funkcije, zbog sumnje na povredu člana 13. Zakona o sprečavanju sukoba interesa u institucijama Brčko distrikta Bosne i Hercegovine.

Članom 13. stav (1) Zakona sprečavanju sukoba interesa u institucijama Brčko distrikta Bosne i Hercegovine, propisano je da za vrijeme obavljanja javne funkcije nosilac javne funkcije ne smije obavljati dužnost lica ovlaštenog za zastupanje ili člana organa upravljanja i nadzornog organa u fondaciji i udruženju osnovanom u skladu sa zakonima o udruženjima i fondacijama, a koji se finansiraju iz budžeta bilo kojeg nivoa vlasti, u iznosu većem od 10.000,00 KM godišnje, dok je istim članom stav (2) Zakona o sprečavanju sukoba interesa u institucijama Brčko distrikta Bosne i Hercegovine propisano da nosilac javne funkcije koji je lice ovlašteno za zastupanje ili član organa upravljanja i nadzornog organa udruženja ili

fondacije ne može primati naknadu ili poklone po osnovu obavljanja poslova navedenih pozicija u udruženju ili fondaciji, izuzev naknade putnih i drugih troškova.

Ponovnom provjerom podataka, nakon dostavljenog izjašnjenja od strane nosioca javne funkcije i dostavljenih podataka od strane Direkcije za finansije Brčko distrikta BiH, broj: [REDACTED] od 01.08.2023. godine, Komisija je uvidom u iste utvrdila da u korist udruženja [REDACTED] „ [REDACTED]“ nije bilo isplata iz Budžeta Brčko distrikta BiH za vremenski period od 01.01.2021–31.12.2022. godine.

Ranije dostavljenim dopisima Direkcije za finansije Brčko Distrikta BiH od 23.01.2023.godine i 19.05.2023. godine, a koji su bili osnov za pokretanje postupka za nosioca javne funkcije Zaključkom Komisije broj: UP-I-KSI-09-23/23 od 07.06.2023. godine, Direkcija za finansije je učinila grešku na način da je u prethodno dostavljenim aktima Komisiji, podatak o isplati sredstava udruženju „ [REDACTED]“ sadržavao isplate za udruženje, [REDACTED] sa područja Republike Srpske, a ne za „ [REDACTED]“ sa područja Brčko distrikta BiH. Iz dopisa Direkcije za finansije, broj: [REDACTED] od 01.08.2023. godine, utvrđeno je da udruženju „ [REDACTED]“ sa sjedištem u Brčkom, Ul. [REDACTED] br. [REDACTED], Brčko distrikt BiH nije izvršena isplata iz Budžeta Brčko distrikta BiH za vremenski period od 01.01.2021-31.12.2022. godine.

Imajući u vidu da je S.N., nosilac javne funkcije, dostavila pisano Izjašnjenje, da je Komisija po službenoj dužnosti pribavila podatke o činjenicama, navedenim u izjašnjenju, Komisija je materijalne dokaze cijnila kao istinite, odnosno, da nosilac javne funkcije nije prekršila Zakon o sprečavanju sukoba interesa u institucijama Brčko distrikta Bosne i Hercegovine, te je Komisija donijela odluku kao u dispozitivu Zaključka.

POUKA O PRAVNOM LIJEKU:

Saglasno odredbama člana 37. stav (1) Zakona, ova odluka je konačna u upravnom postupku i protiv iste nije dopuštena žalba, ali se može pokrenuti upravni spor u roku od 30 dana od dana dostavljanja odluke tužbom pred Osnovnim sudom Brčko distrikta Bosne i Hercegovine.

Predsjednik
Komisije za odlučivanje o sukobu interesa

Admira Mujić, dipl. pravnik

Dostavljeno:

1. S.N., Ul. [REDACTED] br. [REDACTED], Brčko distrikt BiH,
2. Internet stranici Komisije,
3. Evidenciji i
4. Arhivi.